

1229
1-1819
1990

中國方志叢書·華中地方·第一九九號


據

清·龔嘉儀修，李榕纂
民國十一年鉛印本

影印

浙江省

杭州府志



skp2461

成文出版社有限公司印行



10101495

中國方志叢書·華中地方·第一九九號

據

清·龔嘉雋修，李榕纂
民國十一年鉛印本

影印

浙江省

杭州府志

(二)



sk124/01

成文出版社有限公司印行



10101450

219
657
1975.1

中國方志叢書·華中地方·第一九九號

據

清·龔嘉儀修，李榕纂
民國十一年鉛印本


影印

浙江省

杭州府志

10/124/75

成文出版社有限公司印行



10101494

中國方志叢書·華中地方·第一九九號


據

清·龔嘉儀修，李榕纂
民國十一年鉛印本

影印

浙江省

杭州府志



sk124101

成文出版社有限公司印行



中國方志叢書·華中地方·第一九九號

據

清·龔嘉儀修，李榕纂
民國十一年鉛印本

影印

浙江省

杭州府志

sk124/10



成文出版社有限公司印行



10101492

K29
H8P
2011/10

中國方志叢書·華中地方·第一九九號

據


清·龔嘉備修，李榕纂
民國十一年鉛印本

影印

浙江省

杭州府志

(六)



sk124/01

成文出版社有限公司印行



8919939

中國方志叢書·華中地方·第一九九號

據

清·龔嘉德修，李榕纂
民國十一年鉛印本

影印

浙江省

杭州府志



成文出版社有限公司印行

sk124101



39

中國方志叢書·華中地方·第一九九號

據

清·龔嘉儀修，李榕纂
民國十一年鉛印本


影印

浙江省

杭州府志

sk/24/01

成文出版社有限公司印行



中國方志叢書·華中地方·第一九九號


據

清·龔嘉儀修，李榕纂
民國十一年鉛印本

影印

浙江省

杭州府志



51224/01

成文出版社有限公司印行



杭

州

府

志

撫鄭刻乾隆
志首葉署檢

序

杭郡北宋圖經久佚弗傳南宋建爲行都升杭州曰臨安其志乘之傳於今者有周宗乾道志施諤淳祐志潛說友咸淳志潛志關佚無多差稱完備若周施二志所存不逮所亡然簿錄家一再重彫傳本綦夥明有夏時正成化志陳善萬曆志去宋未遙而傳本轉希繼其後者康熙間一修於馬如龍再修於李鐸乾隆間一修於王燧再修於鄭澧鄭志成於乾隆甲辰距宣統辛亥百二十有七年光緒中葉前郡守陳文騷陳璠先後諮錢塘丁徵君丙聘士夫之能文者一再修之始於乾隆乙巳續鄭志也訖於光緒甲午稿脫而未授梓歲丙辰屈文六巡按映光延仁和陸冕儕太史懋

杭州府志

盧序

勳續纂之書未成而太史已捐館舍會伊通齊公耀珊來長是邦不欲使杭之文獻續而復絕因敦請舊史官錢塘吳補松提學慶坻總裁其事提學長於乙部兼綜掌故抱遺訂墜載筆以宣統三年爲斷旣歲事論者謂羅願之新安志范成大之吳郡志不是過也書成而授梓之費未敷適余領兩浙師于歿餘燕息樂與都人士樽酒論文縱譚及此謹舉俸餘成斯盛舉抑余聞之鄭志成而提學之外戚金公獨任梓資今丁陸所纂之志又適至提學而聿觀厥成非杭郡之志於提學有夙因歟垂之後世徵特傳稅林韻事要亦爲千載之美譚也歲次壬戌二月督浙使者濟陽盧永祥序

原序一

今上御極之初

詔直省府廳州縣重修志乘備會典館采擇光緒六年杭州府爰有修志之舉十年文獻奉

命守金華十四年移守杭州時和年豐數晉接郡薦紳諮訪文獻知府志自乾隆中葉儀徵鄭公澐卽昭文邵公齊然原纂修刊後訖今一百餘年中更兵事紀載放失未有踵其事者前守昆明龔君嘉備與郡賢士大夫設局興修越數載束稿如干卷猶綿絕也杭州再罹兵燹官司册籍蕩然無存故老彫謝傳聞彌寡諸君子蒐訪掇拾於泉盜之餘翰錄竭力既十得七八會以公私匱乏志

杭州府志

陳序一

事幾中輟功虧一篑論者惜之文獻方下車亟聘錢塘吳子修庶常慶坻爲總纂續措官錢千緡俾廣爲之庶常秉家學留意鄉邦掌故昕夕纂錄力辭脩脯分延刑部主事王君同教諭胡君鳳錦訓導楊君振鎮戴君穗孫舉人孫君樹禮副貢張君大昌通力合作全志之彙始底於成諸君子敬恭桑梓懷鉛握槧哀然巨帙告歲於一稔可謂勤矣昔餘姚邵二雲先生於乾隆四十三年至四十九年間始終志事世稱善本今之體例一仍其舊庶常始任分修繼總其成異日刊之黎棗庶幾紹鄉先正之遺風文獻權縮郡符爲政無術猶幸百年墜典及茲而聿觀厥成俾後之覽者將以陶振風俗宣植節義垂正循賦審政令之利病膏於是事在故於

其未付殺青時先爲之序用章郡賢士大夫纂輯之勞抑且引爲私幸也光緒十四年戊子首夏杭州府知府祁陽陳文獻序

杭州府志

陳序一

原序二

志者史之支流也周官誦訓掌道方志而小史掌邦國之志外史掌四方之志志之統於史也久矣自班固氏易太史公八書爲十志於是郡縣徵文攷獻之書悉以志名杭志最古且善夙推潛說友臨安志明有五志存者成化萬歷而以陳善書爲最

國朝有康熙志足繼潛陳者也乾隆四十九年前守鄭公聘餘姚邵先生綜諸舊志成乾隆府志百一十卷篇帙既富體例尤精顧兵燹以後其書流傳漸尠越今又百餘年咸豐寇亂遺書放紛將以徵攷文獻靡所取資光緒六年前守龔君嘉儻禮延郡之賢士大夫踵邵志爲標目曰光緒杭州府志文繁事富卷帙視前增益

杭州府志

陳序一

且倍之尋以費絀輟業數稔前守祁陽陳君文祿廣續成之甚盛事也今年瑤承乏知府事郡紳丁君丙以志稿來相屬謂將謀鉅木而猶懼其或未精審也原纂諸君子或官禁近或官他方期得通史裁治國聞者一人重任覆核事瑤爲延黃巖宿儒王君棻理董之王君以爲卷踰二百紙近萬番抵牾複纏在所不免乃於原稿通校一周糾其失而補其漏勒爲例言以待劄氏瑤以簿書叢雜且適丁海防戒嚴之秋風塵鞅掌未遑鈎考惟念府志成書已逾六暮覆核得人庶成定本載筆之有當史裁與否舉不暇馳騫高論而攷獻徵文誦茲方志固守土者責也謹書簡末竣後之紉釋志稿者論定焉光緒二十年六月知杭州府事鬱平陳瑤撰

原序三

光緒己卯知杭州府事龔公嘉備謀於應公寶時丁君丙等延李公榕重修杭州府志其後秦公細業馮君一梅漢君子潼張君預吳君慶坻等繼之至丙戌而志稿成覽者以爲美猶有憾歲甲午知杭州府事陳公璠與仁和宰伍君桂生謀於丁君丙屬蔡重纂訂焉昔鄉先正徐一夔氏嘗修洪武府志頗稱簡明而惜不傳蔡於鄉先正無能爲役而冒膺此任其何以副諸公之雅意耶乃以乙未莫春強勉赴杭假館丁氏繙閱志稿百數十冊條分件繫博引繁稱鮮可議者惟建置名宦人物稍未詳核而列女一門則委之孫君樹禮皆重加綴輯頗事更張而其餘則悉仍其舊間亦訂

杭州府志

王序

正而補苴之凡分四十門爲卷二百十二乃爲之序曰杭爲宇內名都左江右湖地靈人傑文武忠孝史冊爛然甲於東南諸行省而前志流傳則以潛氏說友咸淳志陳氏善萬歷志爲最著皆見聞殫洽條理詳明足以繫文獻之傳而裨列史之闕至國朝康熙乾隆二志或簡而未覈或博而不精蓋與潛陳二志未可同日而語矣今茲所纂雖仍以前志爲本而拾遺訂誤離校棊詳固非苟焉鈔撮舊聞以自爲功也且夫地志之書雖爲史之支流而其體實與史異或乃規撫史書以紀爲首而人物冒稱列傳則失之僭而近於誣茲編首卷所載不敢稱紀人物分門不名列傳所以避僭之失也周禮誦訓掌道方志以詔觀事土訓掌道

地圖以詔地事蓋古者圖經與方志異而今之地志則不可無圖第亦置之首簡所以避淆混之失也至於建置兵事名宦人物則皆以史爲本而參稽羣籍以期美備然而卷踰二百紙近萬番抵悟複種知所難免惟望大雅君子是正其闕失焉光緒二十四年戊戌立秋日黃巖王棻謹序

杭州府志

王序

杭州府志凡例

一杭州有志自南宋始其時為臨安府有乾道淳祐咸淳三志皆殘缺不完元為杭州路明為杭州府有洪武永樂景泰成化萬曆五志今惟成化萬曆二志尙存

一國朝有康熙乾隆二志光緒五年重修新志以乾隆志為藍本而上考咸淳萬曆諸志以增益之今仍其例而稍訂正焉
一章氏學誠文史通義論修志之法模仿史書分紀表圖書略傳六體而以輿地之圖列職官選舉之後亂雜無章莫此為甚然皇言冠首不失尊君之義今從乾隆志例首宸章次

杭州府志

凡例

巡幸又次圖說為卷首十卷

一地志之書最重沿革今列表於前復詳稽列史備檢羣書條列於後而疆域形勝以次載焉前志沿譌悉為釐正

一守土必有城池居民則有鄉里市鎮所以便交易橋梁所以通往來皆治人之大者故先紀之

一祠廟所以事神學校所以造士公署所以臨民皆規制之大者故次紀之

一杭郡以山水名天下漢志武林山武林水所出即今靈隱西湖也太末穀水東北至錢唐入江即今錢塘江也明史地理志紀載尤詳有鳳皇秦望靈隱皋亭臨平赭山觀山湖沃大

滌徑山天目柳相銅坑千頃昱嶺黃花嶺諸山有錢塘西湖苕溪新溪浮溪紫溪葛溪松溪柳溪雙溪諸水志之所紀視史必加詳焉謹分為十四卷而附郭居其半云

一古蹟名勝寺觀冢墓皆所以裝點湖山供人題詠故次於山水之後

一有文事者必有武備而一治一亂天運之常亦人事之無如何者也故志兵制而以兵事次之

一東南漕米上供 天儲咸豐以來河道阻滯始創海運以濟其乏今錄奏辦章程經費事宜釐為三卷以存其略

杭州府志

凡例

一倉儲為備荒之需郵政為救災之道錢法所以裕民用鹽法所以輔正供皆王政之大者謹彙志之

一海塘所以防水患陂塢所以收水利皆除害興利之大者謹詳志之

一戶口賦稅皆國家正供我 朝并丁口於田地便民之政實邁往古而減賦之恩舊額之數皆備錄之關權亦附載焉

一風俗由於人物產生乎地祥異降於天而兼由人與地者也故以次志之

一杭郡文物甲於東南詩賦文詞美不勝載今但錄其書目釐為十卷名曰藝文者遵漢志例也

一金石之學至宋始盛元徐碩撰嘉禾志碑碣一門多至十餘

卷考證甚詳矣杭郡金石之富已多散見各門今但錄其目稍加考證釐爲三卷存崖略焉

一職官一門前志兼載統轄諸職與通志無別今以府志之體宜自知府始而倅貳教授等附焉各州縣收令次之而州縣佐學正教諭等附焉分職條列不爲年表者以各職任官歲月未能一一詳核故也

一選舉一門前志以類分曰薦辟曰進士曰鄉舉曰武科曰貢士曰封廕今以代序仍以類分而以封廕殿於末分爲十卷云

一名宦一門既以代分復以爵叙舊稿沿譌詳爲訂定

杭州府志 凡例

一人物原稿分十四類曰名臣曰武功曰忠義曰循吏曰儒林

曰文苑曰孝友曰義行曰疇人曰列女曰隱逸曰藝術曰寓賢曰方外今以列女方外別自爲志而改循吏爲仕績又增介節一目爲十二類而以寓賢附於末

一名臣一類其品最優非尋常仕績可得而擬乾隆志頗傷於濫而原稿因之今稍加刪移非敢妄事更張也欲其名實相稱耳

一武功如孫士毅忠義如褚遂良于謙循吏如范述曾趙必愿鄧文原文苑如田汝成皆非以一節見者今俱改入名臣以

昭其實

一循吏之名其實難稱列史所載一代不過數人或十數人惟

舊唐書良吏傳多至四五十人論者已病其濫今以一郡之地而循吏得六百餘人已不啻乎用特改爲仕績凡歷官所在能著績效者皆得錄焉而循良之吏亦在其中矣

一仕績之外增介節一類蓋仕績有爲者也介節有守者也雖績效未彰而清廉足紀固不得而遺之矣

一疇人一卷前志所無原稿所創今特仍之爲言天算者樹之鵠焉

一列女一門分爲五類曰孝女孝婦曰節婦曰烈女烈婦曰貞女曰賢媛則才德並載焉劉向列女傳兼及孽嬖茲所不取

杭州府志 凡例

一方外一門釋道並載武林山水名勝毓秀鍾奇非徒人物鬱

跂也卽仙佛之林亦甲於天下矣
一咸淳成化二志皆有紀遺萬歷則稱雜志康熙則稱外志至乾隆志始名雜記而以前志原委殿於末今皆仍之而稍加詳焉

一志分三十六門爲卷二百合卷首卷末共四十門二百十二卷母慮數百萬言篇簡浩汗外駸良多既博且精談何容易願覽是編者刮垢攻瑕匡其所不逮焉